

# Club da tennis Trun

Protocol dalla radunonza extraordinaria dils  
17 d'october 2025 allas 20.00 uras ella Pizzeria da Stefano



## GLIESTA DA TRACTANDAS

1. Beinvegni ed appel
2. Elecziun da dus dumbravuschs
3. Pagina d'internet
4. Fiasta da giubileum 50 onns club da tennis Trun
5. Varia

Settember 2025

per la suprastonza  
il president: Ramun Venzin

## 1. BEINVEGNI ED APPEL

---

Il president Ramun Venzin fa in cordial beinvegni alla radunonza extraordinaria che ha liug ella Pizzeria da Stefano a Trun. In special beinvegni admetta el als commembers d'honor Silvio Albin, Gion Petschen, Venanzi Nay ed Erich Decurtins. La gliesta da tractandas vegn prelegida ed approbada unanimamein.

## 2. ELECZIUN DA DUS DUMBRAVUSCHS

---

Sco dumbrauschs vegn Erich Decurtins elegius.

## 3. PAGINA D'INTERNET

---

La pagina d'internet dil club da tennis Trun ei en in schliet stan e vegn buca pli actualisada stedi. Aschia ei igl intent dad haver ina pagina d'internet buca gronds. Ord quei motiv ei la suprastonza dil meini da schar crear ina nova pagina d'internet. Il president Ramun Venzin ha priu si contact cun Eugen Monn dalla Edecom per mirar co ei vesa ora partenent ils cuosts. Ils cuosts per ina nova pagina d'internet muntan à frs. 2'500.- e silsunter frs. 22.- al meins.

Ils presents han endamen en caussa ed ein dil meini ch'ei fagess da basegns dad haver ina nova pagina d'internet cun haver ina persuna ch'ei responsabla per actualisar las datas. Il president sa comunicar che Simon Decurtins fuss promts da surprender quella incarica. Impurtont seigi semplamein ch'el survegni mintgamai las informaziuns e sappi lu gest adattar ei sin la pagina d'internet.

Plinavon orientescha Luis Caduff ch'ei dess la pusseivladad da s'annunziar per turniers da tennis gest sur la pagina dil club (vegn lu menau direct sin la pagina da swisstennis). La finamira ei che la nova pagina d'internet ei en funcziun sin la radunonza generala dil mars 2026.

Cun 15 encunter 1 vusch vegn decidu da dar il credit per schar far ina nova pagina d'internet.

## 4. FIASTA DA GIUBILEUM 50 ONNS CLUB DA TENNIS TRUN

---

En ina seduta da suprastonza digl october 2024 ha l'actuara Carmen Bearth plidentau la suprastonza ch'il club da tennis Trun astga festivar igl onn 2026 il giubileum da 50 onns. Quei ei naturalmein in motiv da far fiasta. La suprastonza dil club da tennis ha susteniu quella proposta e gest elegiu l'actuara sco persuna responsabla per la fiasta da giubileum. L'actuara ei semessa sin la tscherca da personas che segidan d'organisar ina fiasta. Gion Petschen, Silvio Albin, Manuela Decurtins e Paula Nay ein sedeclarai promts da far part al comité d'organisaziun. El decuors digl onn 2025 han els tenu 5 sesidas. Igl OK ha mess ensemen ina descripziun, la quala vegn surdada dalla radunonza extraordinaria alla suprastonza dil club da tennis.

Il comité d'organisaziun ha fixau il datum da fiasta sin la sonda, ils 15 d'uost 2026. Il motiv per quei datum ei ch'igl ei suenter las vacanzas da stad e gest la sonda avon che la scola entscheiva.

Al di da fiasta vegnan ils suandonts hosps envidai:

- commembras e commembers da fundaziun dil CTT cun partenarias ni partenaris
- commembras e commembers activ(a)s ed passiv(a)s dil CTT cun partenari(a)s
- commembers d'honor cun partenarias

- commembras e commembers dallas suprastonzas d'antruras cun partenarias ni partenaris
- suprastonzas dils clubs ella vischinonza: Sedrun, Mustér, Danis-Tavanasa, Breil, Glion e Lumnezia (mintgamai 2 persunas per uniun)
- representantas ni representants da Trun Turissem e dalla suprastonza communal da Trun (mintgamai 2 persunas)

Tier il program las suandontas ideas; il suentermiezdi ha liug in program da divertiment en fuorma dad in turnier da tennis e differents giugs sper il plaz da tennis. Duront il di ha l'ustria aviert, aschia ch'ins sa guder spisa e bubronda. Encunter sera ha liug in apéro sigl areal dil club.

La sera ha liug en sala da cultura in program festiv. Quella sera vegn la cronica presentada, la quala vegn screta da nies commember d'honor Venanzi Nay. Plinavon vegn in striun a mussar a nus enqual tric ed a procurar per ina legra sera. Duront la sera vegn mussau fotografias e videos. Pigl art culinaric ei era procurau, ei vegn a dar fondue chinoise cun in bien migiel vin.

Il comité d'organisaziun ha fatg patratgs partenent ils cuosts. Quels vesan ora sco suonda:

	Expensas	Entradas		Expensas	Entradas
Infrastructura	1'500.00		Infrastructura	1'500.00	
Tscheina 100 x 40.00	4'000.00		Tscheina	4'000.00	
Bubrondas	500.00		Bubrondas	500.00	
Decoraziun	300.00		Decoraziun	300.00	
Magier	1'500.00		Magier	1'500.00	
Diversas	600.00		Diversas	600.00	
Moderaziun	400.00		Moderaziun	400.00	
Apero	800.00		Apero	800.00	
Cronica	1'500.00		Cronica	1'500.00	
Nunprovediu	400.00		Nunprovediu	400.00	
Cumpart 100 x 40.00		4'000.00	Negina cumpart		-
Sponsurs		1'000.00	Sponsurs		1'000.00
	11'500.00	5'000.00		11'500.00	1'000.00
<b>Defizit</b>		<b>6'500.00</b>	<b>Defizit</b>		<b>10'500.00</b>
	11'500.00	11'500.00		11'500.00	11'500.00

Ils presents han endamen las duas suranumnadas variantas, principalmein partenent la cumpart da frs. 40.00 per persuna. Quei ei la finala la summa che decida per con ch'il club ha da separticipar vid ils cuosts dalla fiasta da giubileum.

Il cassier presenta la bilanza sco era il preventiv per igl onn 2026. Ei dat discussiun, denton alla fin ein tuts dil meini che mintga participont alla fiasta da giubileum ha da pagar sez la cumpart da frs. 40.00.

Cun 16 : 0 vuschs vegn decidiu per la varianta 1.

Carmen Bearth engrazia per quella clara decisiun. Aschia sa il comité d'organisaziun mirar anavon e semetter vid ulteriuras preperativas.

## 5. VARIA

---

Luis Caduff orientescha davart entgins termins egl onn 2026 e supplichescha da reservar els. Quels termins vegnan medemamein communicai ella gruppa da whatsapp.

07.02.2026	tscheiver a Trun
07.03.2026	lotto a Trun
20.03.2026	radunonza generala club da tennis Trun
10.04.2026 – 12.04.2026	camp da tennis a Locarno
02.05.2026	entschatta campiunadi d'Interclub
14.05.2026	turnier da divertiment
08.08.2026 – 09.08.2026	turnier dil club
15.08.2026	fiasta da giubileum 50 onns club da tennis Trun
21.08.2026 – 23.08.2026	turnier Cup Punteglias
19.09.2026	turnier dubel plausch Surselva

Il president Ramun Venzin orientescha davart il scriver ch'el ha retschert dalla fatschenta RUDH pertuccond ina sera da cozzas. Ils presents han endamen en caussa ed ein dil meini ch'ins savess far uonn ina sera da cozzas, era empau cun il motiv ch'il club savess duvrar bein la contribuziun da frs. 1'000.-.

Erich Decurtins pren il plaid e recloma ch'ils plazs da tennis seigien stai fetg schliats igl onn vargau, la preperaziun hagi buca funcziunau, il contuorn eri mai schubers e segau vegneva ei era pauc.

La suprastonza ed ils presents san confirmar ch'igl ei stau aschia. Igl ei insumma buca stau cuntenteivel igl onn vargau sil plaz sco era sper ils plazs da tennis. Quei sto megliurar per la proxima sesiun.

Ramun Venzin informescha ch'il campadi hagi dau giu il contract da segar per igl onn proxim. Aschia sto vegnir semess sin la tscherca dad ina ni pliras personas ch'eiin promtas da surpender quei post.

La suprastonza vegn a far patratgs en caussa ed informar a caschun dalla radunonza generala dil mars 2026.

Ei vegn fixau da far lavur cumina ils 25 d'october 2025 allas 9:30 uras.

Allas 21:30 uras siara il president la sesida cun engraziar per la preschientscha e giavischar a tuts aunc ina biala sera.

Pil club da tennis Trun

L'actuara

Carmen Bearth-Albin